

ფიზიკური პირების საბანკო მომსახურების შესახებ ხელშეკრულების დანართში N24 – კონვერტაცია BMatch გამოყენებით-ში შევიდეს შემდეგი სახის ცვლილებები:

1. ფიზიკური პირების საბანკო მომსახურების ხელშეკრულების საერთო პირობების დანართი N24 – კონვერტაცია BMatch გამოყენებით-ის პირობები შეიცვალოს და ჩამოყალიბდეს შემდეგნაირად:

ფიზიკური პირების საბანკო მომსახურების საერთო პირობების დანართი N24 - კონვერტაცია BMatch-ის გამოყენებით

1. ამ დანართის მიზნებისთვის ქვემოთ მოცემულ ტერმინებს აქვთ შემდეგი მნიშვნელობა:
- 1.1. **BMatch-ის პლატფორმა** - ბლუმბერგის ერთ-ერთი ელექტრონული სავაჭრო სისტემა, რომლის მეშვეობითაც სრულდება კონვერტაცია;
- 1.2. **BMatch-ის გამოყენებით კონვერტაციის მომსახურების საკომისიო** - საკომისიო, რომელიც შედგება, შემდეგი კომპონენტებისგან:
 - 1.2.1. **BMatch-ის ფიქსირებული საკომისიო** - საკომისიო, რომელსაც კლიენტი გადაუხდის ბანკს, BMatch-ის გამოყენებით კონვერტაციის დავალების განთავსების, ცვლილებისა და გაუქმების თითოეული განაცხადის წარდგენისთანავე (მიუხედავად იმისა შესრულდება თუ არა შემდგომში კლიენტის განაცხადით განსაზღვრული დავალება) და რომლის ვალუტა და ოდენობა განისაზღვრება საერთო პირობების დანართ N1-ით;
 - 1.2.2. **BMatch-ის ცვლადი საკომისიო** - რომელსაც კლიენტი გადაუხდის ბანკს BMatch-ის გამოყენებით კონვერტაციის ფარგლებში კლიენტის დავალების საფუძველზე თითოეული სავალუტო გარიგების წარმატებით დადებისა და შესრულების შემთხვევაში (თითოეული ტრანზაქციისთვის), ანგარიშსწორებისას და რომლის ვალუტა ყოველ შემთხვევაში განისაზღვრება BMatch-ის გამოყენებით კონვერტაციის ფარგლებში კლიენტის მიერ გაყიდული თანხის ვალუტის შესაბამისად, და რომლის ოდენობაც განისაზღვრება საერთო პირობების დანართ N1-ით;
- 1.3. **საერთაშორისო საბანკო დღე** - დღე (შაბათის, კვირის ან კანონმდებლობით განსაზღვრული ოფიციალური დასვენების დღეების გარდა), როდესაც საქართველოსა და ამერიკის შეერთებულ შტატებში მოქმედი კომერციული ბანკები ღიაა და წარმართავენ თავიანთ ჩვეულებრივ საქმიანობას.
- 1.4. **სავალუტო გარიგება** - BMatch-ის გამოყენებით კონვერტაციის ფარგლებში, განაცხადით განსაზღვრული ვალუტის ურთიერთგაცვლის კურსით შესრულებული/შესასრულებელი სხვადასხვა ვალუტის ურთიერთგაცვლა/კონვერტაცია.
2. **BMatch-ის გამოყენებით კონვერტაციის ფარგლებში, ბანკი წარმოადგენს კლიენტის აგენტს/წარმომადგენელს, რა დროსაც კლიენტის განაცხადში განსაზღვრული დავალების აღსრულების მიზნით, ბანკი BMatch-ის პლატფორმის სხვა მონაწილეებთან შედის სავალუტო გარიგებაში, სავალუტო რისკის (სავალუტო გარიგების შედეგად წარმოშობილი ფინანსური ზიანის/ზარალის) აღების გარეშე.**
3. **კლიენტის** აქვს უფლება ყოველ საბანკო დღეს, ბანკის მიერ განსაზღვრული არხების მეშვეობით, შესაბამისი განაცხადის საფუძველზე მოითხოვოს კონვერტაცია BMatch-ის გამოყენებით და წარუდგინოს ბანკს დავალება BMatch-ის გამოყენებით კონვერტაციის შესრულების თაობაზე.
4. **BMatch-ის გამოყენებით კონვერტაციის ფარგლებში, კლიენტის განაცხადში მოცემული დავალების საფუძველზე, ბანკი შესაბამის ვალუტის კონვერტაციის განაცხადს განათავსებს BMatch-ის პლატფორმაზე.**
5. **BMatch-ის პლატფორმაზე ბანკის მიერ კლიენტის დავალების შესაბამისად განთავსებული ვალუტის კონვერტაციის განაცხადი ავტომატურად დაწყვილდება, სრულად ან ნაწილობრივ, (მოხდება „მეჩინგი“) შესაბამისი საპირისპირო კურსის მქონე, ვალუტის კონვერტაციის სხვა განაცხად(ებ)თან, რაც წარმოადგენს შესაბამისი სავალუტო გარიგების დადების საფუძველს.**
6. **წინამდებარე დანართის მე-5 პუნქტის შესაბამისად, ვალუტის კონვერტაციის განაცხადის ნაწილობრივ დაწყვილების შემთხვევაში, დაუწყვილებელი (დარჩენილი) თანხის ნაწილში, კლიენტის დავალება BMatch-ის პლატფორმაზე დარჩება დამოუკიდებელი ვალუტის კონვერტაციის განაცხადის**

სახით, ან ავტომატურად გაუქმდება BMatch-ის პლატფორმის მიერ, BMatch-ის პლატფორმის ოპერირების სტანდარტების შესაბამისად.

7. **კლიენტი** აცნობიერებს და ეთანხმება, იმას რომ:
 - 7.1. **ბანკისთვის საბანკო დღის 17:00** საათამდე წარდგენილი **განაცხად(ებ)ით** განსაზღვრული **დავალეზ(ებ)ის** საფუძველზე, **ბანკი** ვალუტის კონვერტაციის განაცხად(ებ)ს BMatch-ის პლატფორმაზე განათავსებს იმავე **საბანკო დღეს**;
 - 7.2. **ბანკისთვის საბანკო დღის 17:00** საათის შემდეგ წარდგენილი **განაცხად(ებ)ით** განსაზღვრული **დავალეზ(ებ)ის** საფუძველზე, **ბანკი** ვალუტის კონვერტაციის განაცხად(ებ)ს BMatch-ის პლატფორმაზე განათავსებს მომდევნო **საბანკო დღეს**.
 - 7.3. **BMatch-ის პლატფორმის** საოპერაციო დღის დახურვის მომენტში **BMatch-ის პლატფორმაზე** განთავსებული დაუწყვილებელი/შეუსრულებელი ვალუტის კონვერტაციის განაცხადები ავტომატურად გაუქმდება **BMatch-ის პლატფორმის** ოპერირების სტანდარტების შესაბამისად.
8. **ბანკი** ვალდებულია **BMatch-ის გამოყენებით კონვერტაციის** შედეგად **სავალუტო გარიგების** დადების შემთხვევაში, 1 (ერთი) საათის ვადაში აცნობოს აღნიშნულის თაობაზე **კლიენტს**, **განაცხადში** დაფიქსირებულ საკონტაქტო მონაცემების გამოყენებით.
9. **სავალუტო გარიგების** დადების შემდგომ **კლიენტს** არ აქვს უფლება მიმართოს **ბანკს BMatch-ის გამოყენებით კონვერტაციის დავალეზის** გაუქმების ან ცვლილების **განაცხადით**, მიუხედავად იმისა, მიღებული აქვს თუ არა **კლიენტს სავალუტო გარიგების** დადების შესახებ შეტყობინება.
10. **BMatch-ის პლატფორმის** ოპერირების სტანდარტების შესაბამისად, **კლიენტის** მიერ წარმოდგენილი **დავალეზის** გაუქმების ან ცვლილების **განაცხადის** საფუძველზე, **ბანკს**— აქვს უფლება გააუქმოს/შეცვალოს **კლიენტის** თავდაპირველი ვალუტის კონვერტაციის განაცხადი, მხოლოდ იმ ნაწილში, რომელიც დაუწყვილებელია/შეუსრულებელია, **ბანკის** მიერ გაუქმების/ცვლილების **დავალეზის BMatch-ის პლატფორმაზე** რეგისტრაციის მომენტისთვის.
11. **BMatch-ის გამოყენებით კონვერტაციის** ფარგლებში **მხარეები** ერთმანეთში ანგარიშსწორებას აწარმოებენ უნაღდო ფორმით, **განაცხადით** განსაზღვრული **ანგარიშ(ებ)ის** მეშვეობით.
12. **BMatch-ის გამოყენებით კონვერტაციის** ფარგლებში დადებული **სავალუტო გარიგების** შედეგად ანგარიშსწორებისას, ან ნებისმიერი მიზეზით გაუქმებული **დავალეზის/სავალუტო გარიგების** შედეგად **კლიენტის ანგარიშიდან** წინასწარ ჩამოჭრილი თანხის უკან დაბრუნებისას, **ბანკი** შესაბამის თანხას გადარიცხავს **კლიენტის** მიერ **განაცხადში** მითითებულ **ანგარიშზე**, **სავალუტო გარიგების** დადების ან/და **დავალეზის/სავალუტო გარიგების** გაუქმების დღიდან მომდევნო **საერთაშორისო საბანკო დღეს**.
13. წინამდებარე **დანართის მე-12 პუნქტში** განსაზღვრული ვადების მიუხედავად, **ბანკი კლიენტთან სავალუტო გარიგების** შედეგად ნაყიდი (მისაღები) თანხის ანგარიშსწორებას განახორციელებს მხოლოდ **სავალუტო გარიგების** მეორე მხარისგან შესაბამისი თანხის მიღების შემდეგ.
14. **ბანკს** აქვს უფლება **კლიენტს** დაუდგინოს, **BMatch-ის პლატფორმის** ოპერირების სტანდარტების შესაბამისად, **BMatch-ის პლატფორმაზე** განსათავსებელი ვალუტის კონვერტაციის განაცხადების მინიმალური თანხობრივი ლიმიტები და თანხის ჯერადობის ლიმიტები.
15. **BMatch-ის გამოყენებით კონვერტაციის** მომსახურების გაწევისთვის **კლიენტი** გადაუხდის **ბანკს BMatch-ის გამოყენებით კონვერტაციის მომსახურების საკომისიოს**.
16. **BMatch-ის გამოყენებით კონვერტაციის განაცხადის ბანკისთვის** წარდგენის მომენტისთვის, **კლიენტი** ვალდებულია **BMatch-ის გამოყენებით კონვერტაციის** ფარგლებში დასადები **სავალუტო გარიგებისათვის** საჭირო თანხა და **BMatch-ის ფიქსირებული საკომისიოს** თანხა სრულად განათავსოს **განაცხადით** განსაზღვრულ **ანგარიშ(ებ)ზე**, რაც წარმოადგენს **ბანკის** მიერ **კლიენტის BMatch-ის გამოყენებით კონვერტაციის** თაობაზე **დავალეზის** შესრულების ერთ-ერთ წინაპირობას.
17. **ბანკი** უფლებამოსილია, **კლიენტის** მიერ **განაცხადის** წარმოდგენისთანავე, საკუთარი, შეხედულების მიხედვით, **განაცხადში** განსაზღვრული **კლიენტის ანგარიშ(ებ)იდან** (ან, აღნიშნულის შეუძლებლობის შემთხვევაში **ბანკში** არსებული **კლიენტის** ნებისმიერი **ანგარიშიდან**) უაქცეპტოდ:
- 17.1. ჩამოჭრას ან/და დაბლოკოს თანხა **BMatch-ის გამოყენებით კონვერტაციის** ფარგლებში, **დავალეზის** და **ბანკის** წინაშე **კლიენტის** მიერ ნაკისრი ნებისმიერი ვალდებულების შესრულების უზრუნველყოფის მიზნით.

- 17.2. ჩამოჭრას **BMatch-ის ფიქსირებული საკომისიოს** თანხა;
18. **„ბანკს** აქვს უფლება საკუთარი შეხედულების მიხედვით:
- 18.1. შესრულებული **სავალუტო გარიგების** ანგარიშსწორების შემდეგ, **ბანკში** არსებული **კლიენტის** ნებისმიერი **ანგარიშიდან** უაქცეპტოდ/კლიენტის დამატებითი თანხმობის გარეშე ჩამოჭრას **BMatch-ის ცვლადი საკომისიოს** თანხა (მათ შორის, ექვივალენტი თანხა განსხვავებულ ვალუტაში); ან
- 18.2. შესრულებული **სავალუტო გარიგების** ანგარიშსწორებისას, **კლიენტისთვის** გადასარიცხი შესაბამისი თანხებიდან უაქცეპტოდ დაქვითოს (ჩამოჭრას) **BMatch-ის ცვლადი საკომისიოს** თანხა (ექვივალენტი თანხა განსხვავებულ ვალუტაში).
19. **BMatch-ის პლატფორმის** ოპერირების სტანდარტებისა და **კანონმდებლობის** თანახმად **ბანკი** არც ერთ შემთხვევაში არ არის ვალდებული ან უფლებამოსილი გააცნოს **კლიენტს BMatch-ის გამოყენებით კონვერტაციის** ფარგლებში **სავალუტო გარიგების** დადების მომენტამდე, დასადები **სავალუტო გარიგების** შესრულების კონკრეტული დეტალები, მათ შორის და არა მხოლოდ: (ა) **სავალუტო გარიგების** მეორე მხარის ვინაობა; (ბ) შესასრულებელი ტრანზაქციების რაოდენობა; (გ) ტრანზაქციების არხები და (დ) ნებისმიერი სხვა ინფორმაცია.
20. **კლიენტი** აცნობიერებს და თანხმდება, რომ იმ შემთხვევაში თუ დადებული **სავალუტო გარიგების** მეორე მხარე არ გადმოურიცხავს **ბანკს** ანგარიშსწორებისთვის საჭირო შესაბამისი ოდენობის თანხას, **ბანკი** არ არის ვალდებული რაიმე სახით ჩაერთოს კომუნიკაციაში ან დავაში, დადებული **სავალუტო გარიგების** მეორე მხარესთან, თავისი, ან **კლიენტის** სახელით.
21. **ბანკი**, არანაირი ფორმითა და მოცულობით, არ არის პასუხისმგებელი **კლიენტის** წინაშე, ამასთან:
- 21.1. **კლიენტის** მიერ **განაცხადით** წარმოდგენილი **BMatch-ის გამოყენებით კონვერტაციის დავალების** (მათ შორის თავდაპირველი **დავალების** გაუქმების ან ცვლილების **დავალების**) ნაწილობრივ ან სრულად ნებისმიერი მიზეზით შეუსრულებლობაზე (მათ შორის და არამხოლოდ თუკი აღნიშნული გამოწვეულია **კლიენტის** მიერ წინამდებარე **დანართის მე-15 და მე-16 პუნქტებით** განსაზღვრული ვალდებულებების შეუსრულებლობით) და მისგან მომდინარე ნებისმიერი სახის ზიანზე (ზარალზე);
- 21.2. **BMatch-ის გამოყენებით კონვერტაციის დავალების** საფუძველზე ვალუტის კონვერტაციის განაცხადის განთავსებისას/**სავალუტო გარიგების** განხორციელებისას **ბანკის** პროგრამული უზრუნველყოფის პლატფორმებზე ან/და **BMatch-ის პლატფორმაზე** წარმოქმნილ ტექნიკურ ხარვეზზე და ამის გამო დამდგარ/მიყენებულ ნებისმიერი სახის ზიანზე/ზარალზე;
- 21.3. **BMatch-ის პლატფორმის** ან თავად **ბანკის** მიერ, **BMatch-ის პლატფორმის** ოპერირების სტანდარტების შესაბამისად, **კლიენტის დავალების** საფუძველზე განთავსებული ვალუტის კონვერტაციის განაცხადის, სრულად ან ნაწილობრივ გაუქმებაზე და ამის გამო დამდგარ/მიყენებულ ნებისმიერი სახის ზიანზე/ზარალზე;
- 21.4. **BMatch-ის გამოყენებით კონვერტაციის** ფარგლებში დადებული **სავალუტო გარიგების** ანგარიშსწორების შეუსრულებლობაზე (მათ შორის **კლიენტისთვის** ჩამოჭრილი/დაბლოკილი თანხის დაბრუნებაზე) და ამის გამო დამდგარ/მიყენებულ ზიანზე/ზარალზე, თუკი აღნიშნული გამოწვეულია **სავალუტო გარიგების** მეორე მხარის მიერ **ბანკისთვის** შესაბამისი ოდენობის თანხის არ გადმორიცხვით.